



№ 20

ფასი 50კ

სადაც არაა დაუპირისპირებელი
სადაც არაა დაუპირისპირებელი
სადაც არაა დაუპირისპირებელი

სადაც არაა დაუპირისპირებელი



გაბრიელის რაღი

უნაყოფო რჩება გერმანიის პროპაგანდის საშინისტროს მთელი ცდა-ჩაახშოს ან გამო-არკვიოს აგრილსამყოფელი ფარული ანტიფაშისტური გადამცემისა.
/გაბრეუბიძე ან/

ნახ. ს. ნადარეიშვილისა.

იხვეპის გასაჭირი

- გაინავარდე ჩემო კვატიკო, რამ შეგაჩერა?
- ვერა ხედავ, სიმართლის ხმებმა რკალი შემოგვარტყა? მათთან მე კი არა, უნც ვერაფერს გააწყობ!



„შინდა სისხლის არიელი“, ერთ მიტინგზე ლაქლაქებდა, ხალხში „სიმხნეს აღვივებდა“ და ფაშის გზას აქებდა:

— იცით ბრძენო, — ამბობდა ის, — რა სიკეთე შემოგძინეთ? აწ საკუთარ თავზე ფიქრი აღარ გინდათ, როგორც წინეთ;

თქვენ გაყურებთ ფიურერი, ვით უდავო კუთვნილებას, და უსიტყვოდ უნდა მიჰყვეთ მის არიულ სურვილ-ნებას.

ამას ითხოვს და გავალვებთ ტევტონური მტკიცე სული, წინაპრების საფლავიდან ჩვენში ახლად გადმოსული.

ამ საბუთით, ვით თქვენც ხედავთ, და როგორც გრძნობს ჩვენი გული, გერმანიის ხალხში გახლავთ აზროვნება აკრძალული.

ხოლო თუ გესურს არიულად რომ დავრახნოთ ჩვენი ერი, ხალხის ნაცვლად ფიქრობს მხოლოდ გესტაპო და ფიურერი

თვით მე პეტერ ჩლიჭშტეინი, იმ აზრის ვარ და ვიყავი, რომ კაცს ტვინი არ სჭირდება, არიული თუ აქვს თავი.

ამის გამო, ყოველ ოლქში, როცა პიტლერს ესურვება, — ტვინის სალიკვიდაციო კომისია დაარსდება.

დასკვნა უკვე ნათელია: ევალება მთელს ჩვენს ერსა, რომ თავები არიული მან შესწიროს ფიურერსა...

დამთავრა ორატორმა, გადახედა დარბაზს ბლევრით, და ბუდიდან ამოიღო დატენილი რევოლვერი:

— „მე კენჭს ვუყრი, — სთქვა მან ბოლოს, — ვინ ემხრობა ჩემს აზრს სრულად?“ და მსმენელებს, რევოლვერის მიაბჯინა შუბლზე ლულა.

ხალხი სდუმდა, ტყვიის სუსხი სისხლში ცივად სისინებდა, და მათ ნაცვლად „ხმების მთვლელი“ ორატორი ჭრიჭინებდა:

— ერთი, ორი, ოცი, ასი, ყველა ერთხმად, ერთის მსგავსად, მაშ ჩავიწერ, რომ ფიურერს ყველა ერთხმად სწირავს თავსა“.

ფრონტისპირად, ბრძოლის შემდეგ, ნანგრევებზე ქვეულ ზიდან საბჭოეთის გმირი ხალხის პარტიზანთა ჯგუფი ისხდა, —

ასორმოც კაცს ხუთასამდე ტყვე ფაშისტი დაეჭირა, და სხვაც ბევრი, მათი მსგავსი ბრძოლის ველზე გაეწირა.

ტყე იწვოდა, წყალი სჩქედდა, მოგორავდა ტალოა მდორი, და არიულ თავის ქალებს მოეკენჭათ ველმინდორი.

პარტიზანთან მეთაურმა ტყვეებს დინჯად გადახედა, და ერთ მათგანს — ფაშისტ ქოფაკს შეეკითხა ის მკვახედა:

— აბა, ცოფით შეპყრობილო, რა გრჯიდა და რას ფიქრობდი, როცა ჩვენი დიდი ქვეყნის „დასაპყრობად“ მოდიოდი?

— რას ვფიქრობდი? მე არაფერს, აღარ მქონდა ფიქრის ძალა, რადგან პიტლერს ვუფეშქაშე მე, წესდებით თავის ქალა...

თვით მე, პეტერ ჩლიჭშტეინი, იმ აზრის ვარ და ვიყავი, რომ კაცს ტვინი არ სჭირია, არიული თუ აქვს თავი.

— ეგ რა ბოხია გაგივსია? — შეეკითხა პარტიზანი... — ეს მცირედი ულუფაა, ბრძოლის ველზე ნაშოვარი.

— გახსენ...

ბოხია მართლაც გახსენს, დააგროვეს, დადგა ზეგვი, ფაშისტ მკვლელის მურტალ ხელით ნაძარცვი და ნაპარავი.

სხვა ნივთებთან, ქალის ხელი — ზედ საათით და ბეჭდებით, იმ ბანდიტის მიერ დანით მოკვეთილი — დამწვიდებით.

— ესეც შენი ულუფაა, არამზადე? — ჰკითხა მწყურალად და მას შუბლში პარტიზანმა სამი ტყვია დაახალა,


და გარშემო დახვავებულ ფაშისტების თავებს კვალად, მიუმატა კიდევ ერთი არიული თავის ქალა.

ფარსალანი

„ნ ე ი გ რ ა ლ ი გ ე ვ ი“

„ბულგარეთმა თავისი სამხედრო ბანები დაუთმო გერმანიას და იტალიას, სადაც აგრესორები აგრავაზეთებიდან“

ნახ. დონისა.




ანუ, ბულგარული ატრაქციონი — გერმანული აკომპანიმენტი.

სიყვარული ტალონით

„გერმანელთა ალბიურ დივიზიის ყოველ პოლკს უკან მისდევს, ალაღთან ერთად, საბარგო ავტო გადაქცეული საროსკიპოდ. ფაშისტ ჯარისკაცებს ურიგებენ „კოცნის ბარათებს“ ტალონებით; ყოველი ტალონი უფლებას აძლევს თავისი პოლკის საროსკიპოში მიიღოს ულუფა „სიყვარული“ როსკიპისა, ისე როგორც სხვა ტალონებით მიიღებს სამზარეულოდან ულუფა ქაშის. გაზეთებიდან

ნახ. ს. ნადარეშივილისა

სიყვარული
გაზეთებიდან



ფაშისტთა ჯარისკაცი (მზარეულს) — მომეცით ულუფა.
მზარეული — აქ შენი ულუფა გათავდა, მაგ ტალონით წადი და ულუფანახევარ „სიყვარულს“ მიიღებ.
ჯარისკაცი — რა მესიყვარულება შე ხებრეც, როცა კუჭი შიმშილით მეწვის.

„გულკათილი“ მკვლელები

— ჩვენზე კეთილშობილი არმია მსოფლიოში არ დაბადებულა, — გაიძახიან გერმანელი ფაშისტები და ცეცხლს უკიდებენ სოფლებს.

— დიდათ გულჩვილი ხალხი ვყოფილვართ, — გაიძახიან ისინი და ცოცხლად სწვავენ ადამიანებს.

— ძალიან მიყვარს ბავშვები, — წამოიძახა ოფიცერი, დედას გამოართვა ორი თვის ბავშვი და მეორე სართულიდან გადაშაგდო. ოჰ, ღმერთო ჩემო, ბავშვი გადამივარდა, — წამოიძახა მან და დედასთან მივიდა. — რითი განუგეზო, შე საწყალო? — მიმართა ქალს, — ნახე, იქნებ ამან გიშველოს, — დაუმატა და რევოლვერი დაახალა.

ფაშისტებისათვის სრულიად ჩვეულებრივი მოვლენაა ყუმბარების დაშენა სანიტარული ავტომობილისათვის, რომელიც დაჭრილებითაა სავსე, — ეს მათ დიდ გმირობად მიაჩნიათ.

ეს, მათის აზრით, კანონიერია საერთაშორისო სამართლის თვალსაზრისით.

ყველა ამის საპასუხოდ ჩვენები ბრძოლაში მუსრსავლებენ მკვლელების ჯარს.

— ეს საშინელებაა! — გაიძახიან ჰებელსები!

— პარტიზანები, რომლებსაც ფაშისტებმა სახლკარი დაუწვეს და ოჯახი გაუწყვეტეს, ტყეში მიდიან და მკვლელებს თავს ესხმიან გზებზე, ხიდებზე, სოფლად, ქალაქად, დღისით და ღამით.

— ეს აღმაშფოთებელია! პარტიზანები გვესვრიან, ტანკებს გვიფეთქებენ, ფრონტზე მისვლის საშუალებას არ გვაძლევენ! ეს საერთაშორისო უფლების დარღვევაა! — ჰგოდებენ კაცისმკვლელები.

მაშასადამე, როცა მხეცი ბავშვებს, ქალებსა და მოხუცებს ჟლეტს, მათ სახლკარს სწვავს, ეს კანონიერია, ცივილიზებული ღონისძიებაა, ხოლო როცა პარტიზანები შურს

ძიებენ და ამ მხეცებს ცეცხლითა და ტყვიით უსწორდებიან ეს — საერთაშორისო სამართლის დარღვევა.

კაციჭამიამ სოფელი გადასწვა და მოსახლეობაც შიგ მოაყოლა.

— ეს ნაცისტური მორალია, — ამბობენ ისინი.


პარტიზანებმა, „თვალ-თვალის წილის“ კანონის შესაბამისად, ამოჟლიტეს კაციჭამიები.

— რა უზრდელობაა! რა უეთიკობაა! — გაიძახიან ჰებელსები. — ამდენი წარმატებები მოვიხვეჭეთ და ესენი ამას უბედავენ ჩვენს არმიას.

გერმანიის არმიამ მართლაც წარმატებით მოიხვეჭა კაცის — მკვლელების, ქურდებისა მძარცველების ბანდის სახელი. და ამ ბანდას სწორედ ისეთივე ადსასრული მოეღოს, როგორც მას ეკუთვნის საერთაშორისო და საკაცობრიო კანონის ძალით.

ალ. მალულარია.



შეშლილთა შორის



ქრონიკული
გიორგიძე



— ვერ გამიგია, ბატონო მიულდერო, რატომ ამაყობთ ასე თქვენი ავადმყოფობით, ეგ ხომ ჩვეულებრივი განდიდების მანიაა?
— დიახ, დიახ, ეს იმას ნიშნავს, რომ მე და ფიურერი ერთი ხენით ვყოფილვართ დაავადებულნი.



— გამოსტყვამ თუ არა სურვილს შე არამზადავ, გერმანიის არმიაში მოხალისედ წასვლაზე?
— ვერ შევძლებ ბატონო გესტაპოელებო, რადგან არც სპირტის სმა შემიძლიან და არც ძარცვა-გლეჯა.

საიდუმლო ბარათები

„გერმანიის სარდლობამ გამოსცა ინსტრუქცია, სადაც სხვათაშორის ნათქვამია: „უცხოეთიდან მიღებული ცნობებით, გერმანელ სამხედრო ტყვეებს ზოგჯერ უნახეს ნათესავებისაგან მიღებული წერილები, რომელშიაც ლაპარაკი იყო, თუ რა განწყობილებაა სამშობლოში, რა სასურსათო დაბრკოლებებია და სხვ. ყველა ასეთ წერილს ფართოდ იყენებს მტრის პროპაგანდა...“ ამიტომ ინსტრუქცია მოუწოდებს ამ გარემოების წინააღმდეგ ბრძოლისაკენ.“

განს — გესტაპოს აგენტები.
ფრიც —

ფრიც — როგორ მოგწონს განს, ეს ახალი ინსტრუქცია, რომლის მეოხებითაც ჩვენ დაგვევალა საიდუმლო ბარათების კითხვა?

განს — მართლაც რომ მოსაწონია. ამ ინსტრუქციამ ჩვენ იოლი სამსახური გაგვიჩინა: ვზივართ ჩვენთვის მყუდრო და ვკითხულობთ ჯარისკაცთა ნათესავებისა და საცოლეების ბარათებს.

ჩემმა მზემ ჩინებულად ვერთობი ამ წერილებით, განსაკუთრებით შეყვარებულთა საიდუმლო ბარათებით.

ფრიც — მაგრამ გართობასთან ერთად ისიც ხომ გახსოვს, თუ რა შეადგენს ჩვენს მოვალეობას?

განს — ჩვენი მოვალეობაა გულდასმით გადავიკითხოთ ჯარისკაცთა ნათესავების წერილები და თუ მათში ლაპარაკი იქნება ჩვენი ქვეყნის სასურსათო კრიზისზე, ან ომით უკმაყოფილებაზე, მოვსპოთ.

ფრიც — ვთქვით შენ ასეთი წერილი ჩავივარდა ხელში: „ჩემო საყვარელო ვალტერ, აღარ მაქვს იმედი რომ ერთმანეთს კვლავ ვნახავთ და მყუდრო ცხოვრებით გავიხარებთ. პური, ხორცი, ცხიმი, შაქარი არ იშოვება; კარტოფილსაც სამ დღეში 1 კილოს გვაძლევენ...“ ამის შემდეგ მხოლოდ სიყვარულზეა ლაპარაკი, რაც უმნიშვნელოა... როგორ მოიქცეოდი?

განს — რა თქმა უნდა მოვსპობდი, რადგან ეს მეტად პესიმისტური წერილია, ჯარში გულგატეხილობას გააძლიერებს.

ფრიც — განს, დაკვირვება გაკლია, დაკვირვება! პირველი შეხედვით ეს ბარათი მართლაც უიმედობის დამწერგავია, მაგრამ

თუ დავუკვირდებით, აღმოვაჩინებთ, რომ საკმარისია ამ ბარათიდან ამოვსალოთ ორი სიტყვა: აღარ და არ და ჩაეუმატოთ ციფრი 5 მარჯვნიდან, იქ სადა სწერია 1, — ეს სულ ადვილია და სავსებით შეუძნეველი დარჩება. მაშინ კი ბარათი ასე წაიკითხება:

„ჩემო საყვარელო ვალტერ, მაქვს იმედი, რომ ერთმანეთს კვლავ ვნახავთ და მყუდრო ცხოვრებით გავიხარებთ. პური, ხორცი, ცხიმი იშოვება; კარტოფილსაც სამ დღეში 15 კილოს გვაძლევენ...“ და ა. შ.

აი როგორ შეიძლება პესიმისტური ბარათის ოპტიმისტურად გარდაქმნა. მე ეს ჩემი გამოგონება მინდა წარვადგინო და იმედი მაქვს ჯილდოს მომცემენ. რას იტყვი?

განს — რას ვიტყვი? დიდი გაიჭვრა ხარ ფრიც, შენ უთუოდ ჯილდოსაც მიიღებ და მალე დაგაწინაურებენ.

ფრიც — შენ კი ვითომ მამა აბრაჰის ბატკანი ხარ?

განს — განა მეგას ვამბობ, რომ მე პატიოსნებასა და სინდის-ნამუსს ვიცავ მეთქი. არა, მეც ათასი უნამუსობა ჩამიდენია, რამდენჯერ ებრაელთა დარბევაში მონაწილეობა მიმიღია, რამდენი უდანაშაულო კაცი საკონცენტრაციო ბანაკში გამიგზავნია, მაგრამ შენსავით მოხერხებული მაინც არა ვარ.

ფრიც — ჰო, ეგ მართალია. მაგრამ შენც მალე დახელოვნდები. დღეს, ფაშისტურ გერმანიაში სიმართლით პურის ჭამას ვერაფერ შესძლებს.

ჰირიხელი

41-334



ჰაილ, ჰაილ! და ვაი-ლ, ვაი-ლ!

„№ სოფელში ჩვენი ჯარის შენაერთმა ახლოს მოუშვა ავტომატებით შეიარაღებული მტრის ასეული და ხელჩართულ ბრძოლაში — ნაწილმა გაანადგურა და ნაწილიც ტყვედ ჩაიგდო.“
გაზეთებიდან

ნახ. ო. ვეფხვაძისა



1. ჰაილ, ჰაილ იახოღნენ და ისროღნენ ავტომატებს,

არაუებოც გადაეკრათ ეთქვათ: სიმხნეს მოგვიმატებს.



2. მაგრამ როცა წითელ ჯართან ახლოს მისვლა განიზრახეს,

მეხსვე გაჰქრა მათი სიმხნე ვაი-ლ, ვაი-ლ! — დააძახეს.